

袁中郎詩集

擬古樂府

一

五言古

一一

七言古

四六

五言排律

六七

五言律上

七四

五言律下

一〇七

七言律

一三七

五言絕

一八三

六言絕

一九〇

七言絕

一九〇

袁中郎詩集

擬古樂府附雜體

樂府之不相襲也。自魏晉已然。今之作者。無異拾唾。使李杜元白見之。不知何等呵笑也。舟中無事。漫擬數篇。詞雖不工。庶不失作者之意。具眼者辨之。

飲馬長城窟行

長城水鳴咽。夜夜作秦語。問子何代人。防胡舊軍旅。冤魂縹緲魂。不得歸鄉土。白水洗白骨。懸盡水酸楚。洗多成黑流。水性毒於蠱。立馬古戰場。長嘶待天雨。

長安有狹斜行

按金胸。立長溝。批裙落盡茶黃秋。山西女兒帕勒頭。面上堆粉鬢堆油。二十五絃彈壁竅。猩紅衫子葡萄鉤。笑問南裝如此不。

結客少年場行

結交徧四海。鄉人無半識。駭爾無意儔。寧結有心賊。白手一布衣。喜趨關雎塞。將相每在門。望氣如望職。易卜天昏晴。難候君顏色。頭顱可擲人。一顧不可得。

釣竿行

嚴灘一絲名。渭水一竿勢。所釣非所求。巨鱈安得至。不如無名子。心胸少根蒂。朝隨鷗保歌。夜引魚鱗醉。擬水如探甕。隨手得鱖鱖。鮮蔬煮活魚。無鹽亦有味。

秋胡行

堂上姑。待汝哺。袖中雖有金。不堪贈彼姝。妾懷如日。君情若泥。路旁之心不自保。安得他國無蛾眉。紗裙捲。水

咽咽。妾死情不死節。河水如可竭。妾腸當再結。

妾薄命

落花去故條。尚有根可依。婦人失夫心。含情欲告誰。燈光不到明。寵極心還變。只此雙蛾眉。供得幾迴盼。看多自成故。未必真衰老。薛彼數開花。不若初生草。纖髮爲君衣。君看不如紙。割麻爲君簪。君嚙不如水。善人百宛順。不若新人驚。死若可回君。待君以長夜。

有所思

人生如驛騎。往復無停勒。胸懷無盡辭。漫天作虛織。秋霜與春風。乘間遞爲賊。我老迫紅顏。白髮傳消息。積鬱填枯井。井深填不得。眉棱萬斤重。白日沉幽墨。欲行戒峻難。欲飛防縶弋。

善哉行

今日相樂。式舞且歌。踏絃鐵板。白面青蛾。食余以匕。盛酒以盆。刀鐮亦厭。何必河豚。儒迂墨儉。跽非堯是。善哉諸君。請入揮裏。讀書不成。學仙寡效。聽腹餒枝。從吾所好。

猛虎行

甲蟲蠹太平。搜利及邱空。板卒附中官。鑽蟻如蜂。撫按不敢問。州縣被詞斥。槌掠及平人。千里旱沙赤。兵衛與郵傳。供億不知幾。即使沙沙金。官支已倍蓰。蠹徒多劇盜。嗜利深無底。一不酬所欲。忿快如狼豕。三河及兩鄆。在在竭膏髓。焉知疥癬憂。不延爲瘡痍。

相逢行

行行卽曲巷。曲巷多蕪草。隨路掠蛛絲。讀書歲月老。壁上榮啓圖。手裏黃石編。當盡三時衣。不直數鑽錢。兒女無裨著。常時煨故紙。稅地植桃花。十樹九樹死。君莫悲腐草。腐草發光耀。元霜長冬青。白髮傲年少。

悲哉行

石馬立荆棘。荒城叫老狸。昔時冠帶人。唯有歸來歸。宿志慕長生。朋黨盡刺譏。父母不我容。碧海三山飛。朝枝

老君龍。莫守劉安雞。仙家歲月長。楊子三垂枝。歸來見荒塚。半是孫會碑。城他百易主。族里無從知。古人悲夜練。今我亦似之。白骨不可語。歸歸空爾爲。

門有車馬客行

門有車馬客。錦襪烏紗巾。寒毛接短髻。絲絲紗與塵。問子何勞勞。上書西入秦。八年始一命。官卑不救貧。冒霜捐襖襌。望灰拜車輪。一身百糾縛。形如一束薪。手纔不自解。利刃寄他人。蔗與藥同餐。雖甘亦苦辛。

短歌行

酌君易州之清醪。被君吳閭之纖縞。男兒二十無所成。腰肢一半沒青草。趁輕健。買腰纏。哭聲多。笑聲少。黃金蕩盡君莫嘆。古來餓殺幾賢人。

京洛篇

煌煌京洛城。朱衣喧廣道。白首賤書生。驅轉揭詩草。懷刺謁恩門。門卒相輕眇。十上十不達。登街顏色槁。憂身事貴公。習諫苦不早。單眼一寸紗。茫茫遮人老。

餓餒行

餓餒出橫潦。道逢東海使。魚服而介身。啣須以相戲。物微恐見侵。跳波爭努臂。東陵招能兄。西谿喚羅弟。水蟲萬餘種。各名傳兵衛。聚族鼓鱗鬣。不能當一噬。

升天行

乘赤霧。懷輶轡。路逢王子晉。玉簫已吹折。織女弄機絲。餘緯爛霄闕。下土饑飢民。鼓喚作離覓。張翁老且耄。舉止多嫌棄。侍仙三萬年。不會見隆準。真人多竄左。天狐慘餘孽。義御失長轡。牽牛嘆河竭。

權歌行

妾家白蘋洲。隨風作鄉土。弄篙如弄劍。不會拈一縷。四月魚苗風。隨君到巴東。十月洗河水。送君發揚子。揚子波勢惡。無風浪亦作。紅深得魚難。鵲鷁充餘膳。生子若鳥雞。穿紅復入湖。長時剪荷葉。與兒作衣襦。魚苗風。

洗河水。皆長年語。）

青驄馬

青驄馬。九尺強。百金買。千金裝。雙蹄不著地。影滅如飛翔。借問冶遊郎。何爲在他鄉。下馬立青梧。手提碧珊瑚。千喚不知人。盡眼野當爐。當爐豈不冶。褰衣愁曉露。五步一停驂。十步一回顧。客從遠道來。隨我青鸞帶。交頸復同心。白石青松在。東家好女秦羅敷。西家蕩兒揚子都。鸞鸞只愛毛翎好。那知水底有鸞鵠。

折楊柳

陽陽二三月。楊柳枝參差。每逢雙燕子。憶得別君時。憶得別君時。遺君珊瑚枕。君行佳麗地。何人薦君寢。越女性如綿。吳妓情似紙。夫君狼子心。吹作東西水。前月父書來。道君遊淮北。今月見君字。知作江南客。紅水自南流。照君不照妾。

紫驄馬

紫驄馬。行且嘶。願爲分背交頸之逸足。不願爲追風絕景之霜蹄。霜蹄滅沒邊城道。朔風一夜霜花老。縱使踏破天山雪。誰似華陰一寸草。紫驄馬。聽我歌。壯心耗不盡。奈爾四蹄何。

短歌燕中逢樂之律作

下馬一言。不及墮寒。昔年毛羽。今日肺肝。我懷如痞。君懷幾許。登堂直視。無心可舉。明月浮空。清霜墮地。將軍北園。金吾西第。羅屏畫掩。金疊夜開。呼盧射覆。飛爵流杯。吾爲若舞。若爲吾歌。劍去龍沉。斷將奈何。情長刻短。爐寒火青。欲尊亂筍。誰是主人。鸞飛九萬。爲鸞鳩笑。我欲攜君。連翩海嶠。

橫塘渡

橫塘渡。臨水步。郎西來。妾東去。妾非倡家人。紅樓大姪婦。吹花謔睡郎。感郎千金顧。妾家住虹橋。朱門十字路。認取辛夷花。莫過楊梅樹。

醉鄉調笑引

無幾十六傳。乃至酒聖人。其道尚清淨。無爲而化成。周公作酒誥。謗言幾個身。宣王不得已。乃爲述。經曰。天有酒。則不傾。國有酒。則不爭。有王者起。必世而後仁。何用導以德。齊以刑。但當引酒爲何。累鐘爲城。日月所照。霜露所墜。凡有血氣者。莫不醉醒醒。死令不知死。生令不知生。沃殺知巧鬼。何愁不太平。

劍泉上

劍泉上。山如黛。劍泉下。水如佩。一片青。闕人代。鬼竊窮。山豎壁。生公法。今何在。真娘墓。遙相對。一日計千冊。一舟計萬錢。寧負公家稅。莫負少年年。女可鬻。妻可從。石上歌。應不止。

鍾賦謠

索遺賦。遺賦索不得。不是縣家苦催徵。朝廷新例除本色。東封西款邊功多。紅椎陸地生洪波。內庫馬價支垂盡。民固無力官奈何。蘇州舊道七十萬。糟折金花居其中。安得曾天盡用金。上爲明君舒宵旰。嗟乎。民日難。官日苦。竹開花。鐵生土。

祝雨

雲纏纒。山絮絮。寒欲來。暖先發。洗山山骨新。洗花花色故。寄言行雨兒。莫下山頭去。

西陵橋

西陵橋。水長在。松葉細如鍼。不肯結羅帶。鶯如衫。燕如劍。油壁車。碾爲塵。青驄馬。自西來。昨日附頭花。今朝陌上土。恨血與啼魂。一半逐風雨。

宋帝六陵

冬青樹。在何許。人不知。鬼當語。杜鵑花。那忍折。魂雖去。終啼血。神靈死。天地鐘。傷心事。大兒年。錢塘紅。不可滅。升京水。終南去。纔使埋到瓦山瓦。白骨也知無避處。

西施山一名土城西施教歌舞處

西施山。一片土。不惜金作城。貯此如花女。鸚王踏進衣。夫人親踴鼓。買死傾城心。教出迷天舞。一舞金闕崩。再

舞絲疊折。槌山作館娃。舞袖猶嫌窄。舞到夫差愁破時。越兵潛渡越來溪。

入青口

入青口。青口山何直。雲老玻璃天。鬼下空青壁。一絡罡風吹地起。神禹無功巨靈死。

二

入青口。青口山何仄。石人立而啼。雲吼吼相通。嵒巖開老沉香花。飛仙失路虎無家。

三

入青口。青口山何翠。潤色映琉璃。山花紅玳瑁。天荒地竅無行處。山頭魍魎紛來去。

玉京洞

傑如谷。高如屋。穴雲心。穿地腹。路荒唐。齒嶮巖。石如病。天似癡。黃者紫。白者黼。雲絮絮。出禪底。白蝙蝠。大於鸞。衝焰起。撲人飛。突而高嶺間之。忽而平澗限之。龍欲言。聞人止。凝珠流。腥風起。鬼邪仙。烟歟霧。炬無光。將安去。海可通。紅可涉。靈威丈人難再得。

別石簣十首不容分析故總入雜體

別石簣。石簣何忍別。相知是相知。知處難容舌。一等是肝腸。輓君生死切。烈火燎虛空。火盡空不滅。

其二

古今只四倫。大抵缺朋友。誰識楚越人。萬里爲奇偶。我腸寄君心。君心出我口。覓同本自無。異於何處有。

其三

一葉隨東風。飄泊已半載。棉雪度深山。寒氣鏢孤拐。三入淨寺門。寺僧笑狂賊。欲得不相識。除非觀自在。是仙是凡人。請君是揮解。

其四

君攜我如頭。我從君若尾。不是西看山。便是東涉水。誰家薄羅綾。生此兩芒子。受用能幾何。苦他雙脚底。

其五

學道不學禪。談星不談義。愛曲不愛音。讀書不讀書。人天收不得。賢智亦爲祟。不知何因緣。偏得同臭味。每笑儒生癡。顛倒若狂醉。除却袁中郎。天下盡兒戲。

其六

南山有禽。其字曰希有。北山有鳥。其名曰鳳凰。兩鳥排雲共舞入虛空。虛空莽莽四顧絕稻梁。下界豈無七寸之梗米。爭奈網羅纍纍常高張。

其七

不即凡。不求聖。相依何。竟性命。三人湖。兩易令。無少長。知名姓。湖上花。作明鏡。別時衰。到時盛。後來期。不敢問。我好色。公多病。

其八

歸去尋阿賓。阿賓亦可人。公家廿一弟。超脫是其倫。天不孤生物。有輔必有輪。狂態誠可取。其若頭上巾。

其九

氣虛爲風。雲流爲水。人之小人。天之君子。鴨不能飛。蚶不能躍。鼻哭非愁。鸞歌非樂。無曰升天。天卑於淵。無曰瞰淵。淵高於天。卽佛卽聖。非儒非禪。

其十

能再相從否。若鶴相思車。營開白門柳。

酒正喧。蕭君席上作

酒正喧。關吏言。諸君秣馬餞歸轅。巴川健兒家成羣。鸞官挾吏福州門。逐虎怯。逐飛蚊。倭刀吼室箭出隄。東坊西市榜明文。不嚴軍律嚴司關。木門蒼琅根。日未昏。斷行人。

坐王宮谷朋石館得石字

林家梅。米家石。荀家香。謝家屐。鱗腹帶道容。松老入詩格。竹子一萬梢。十里屯秋碧。雜花四五種。聊作琅玕役。貯雪點梅腸。和香燒荷炙。一分供調御。一分待幽客。

洋溪湖嘲沈青平

家湖頭。客湖尾。深苔淺甕量魚子。大婦得白鮓。小婦得赤鯉。天乾富馬沸富鮓。鹽兒牧豕荻根下。

二

湖頭船。湖尾屋。丈人把叉塲收目。朝鋪乾鼈裙。暮膽鮮鯽絲。螺頭蚌子送婦歸。

戲題道士猷小孤詩真山翻作假山看

道士名。髡其顛。真石壁。貌假山。陽戶開北面。東流水西還。采石蛾眉小姑鬢。蒼瘦爭似老黃冠。紅蕖手覆三迥乾。古風遺尾青闌干。

代青溪道士見招

青溪月。和霜和冰發。萬仞絕寒煙。冷盡玻璃滑。青溪花。傍水帶烟斜。東曲謝蘭香。西曲暮綠華。青溪水。雲根洗清泚。朝霞用星芝。暮烹王烈髓。青溪雪。萬頂千峯微。隔浦喚仙奴。夜春雲母屑。君之來。猿鳥笑。雲爲舟。風爲棹。鬼谷罷談。孝先徙屨。騁風與驚鷗。知非君所好。吾爲君招赤城之化骨。及紹逸之聲。君爲我歡然而就道。君不來。雲山懷。

嘲王以明先生

王夫子。有書如郝隆。何緣阿堵堆青銅。君不見牀頭有心癩夷甫。道上無人追楚弓。

雀勞利歌

雀勞利。用雪至。大雀悲。小雀憐。黃鸝舉千里。大鷗搏九萬。鷓鴣與杜宇。聲聲來相勸。字日不如歸。鷓鴣日行不得。小大各有分。何用嚙嚙在我側。鷓鴣雖有舌。藏巧不如嚙。

探蓮歌

採蓮花。花開何鮮新。映月爲處子。隨風作舞人。深紅淺白間秋水。妬殺麻姑與洛神。採蓮葉。蓮葉運香機。一片青花古玉盤。持贈秦娘與燕妾。採蓮子。蓮房劈破香且美。纖手分來顆顆勻。何事經年沉湖水。湖水深淺可。水獨情無那。試問南陵二月泥。妾心辛苦知不知。

戲別唐客客鹽城人

年年爲客向蕭湘。楚澤烟雲拾滿囊。錦花如雪歸故鄉。歸故鄉。應知青雀流離日。內人蟠子墜衣裳。

其二

年年爲客向章臺。面脂如珠紅滿顰。短褐行纏歸去來。歸去來。種得仙麻如黍子。依舊風帆向楚開。

浩歌

響作雨。不成歸。箭聲弦。無盡期。昨日大。前日無。一番花。一番泥。花有色。泥無之。人有容。鏡照之。鏡方新。容已非。濫未斂。花先飛。短可續。用何物。一曲歌。三杯醺。我欲長生天下人。拔刀斬斷金烏足。

諸衲送至江干自囑

油紅渡。二十年中五番去。餐雲醉石幾經春。畢竟鹽上長安路。油紅上。柳如雲。紅若有知應移文。隔鄰老柏笑且語。塞耳喧呼如不聞。

戲作三星行送曹子野歸楚時予亦將歸里

石公先生。份生以鄭爲宅。以水爲度。眠龍蟠蛟。鞭其尾而不飛。唯有蜚龍聞雷而起。仰天淪淪如有訴。所樂者瘦瓊清臾。所吟者漢風月露。有媛無心。何所慕以鳴。不過感時觸機。如風行於空。而萬竅自怒。隱流纖客。目爲山中之韶。識者又以爲偏枯冷。倏似於陵仲子之傳。軒轅彌明之句。石公撫几而笑曰。曹君。份豈敦樸之宗。平原之輅。長安冠帶隘。垂陌而相求。胡爲乎逐西風而遠去。君既脂車。余亦戒路。望紅上之青峯。指湘皋之紅樹。漢河相照。一衣帶水。竣君於油口之渡。左公城外綴刺天。便是巨壘高吟處。(巨壘。嶠之大者。)

過中山見諸名蹟題清風店壁

中山酒可飲。塔可登。輞川翠竹風。稜稜東坡瘦。屢如健鷹。唐封古蹟石。峻嶒刺史愛。民慈且能高。看青山夜抱冰。

石公解嘲詩有序

客有嘲石公不能飲者。石公作詩解之。石公不知何許人。嘗吏吳。登石公山而樂之。因自命曰石公山人。醉國之君臣。未必皆飲徒。石公西來時。曾一造其廬。飲流相與言。不飲真害馬。寧知醉國遙。不在杯與舉。辟如解琴人。非是用絃者。又知古董家。不必善陶冶。海闊酒池波。天限糟邱城。大有薤葉郎。欲往不可得。於是石公乃攘袂而起。撫手按節而爲之歌。歌曰。昔者汾陽王。道逢馳車口流涎。醉鄉之日月不加延。後來蘇子瞻。望酒盡而醉。醉鄉之日月不加延。又歌曰。信美比土令。樂而忘死。彼國之人兮。愛賢好土。彼國之王所與遊者何人兮。華胥之君臣。西方之父子。彼國無劫數等量今。不知者以爲自酉而開。至卯而止。於是醉君聞石公名。乃召以爲客卿。

潼關題壁

官道上。塵昏昏。郵舍中。氣煜煜。夾道如火益膏薪。枯魚失水噉其脣。華山君。豈不聞。濡筆雨。和墨雲。十丈蓮蕉。玉女噴。乘風自振蕭湘裙。夜半燒我洗頭盆。

贈李醫者

秋橘綴成行。方書白滿架。君非韓伯休。胡乃不二價。去年裙褐辭鄉里。遊來半載聲名起。參苓如山信手空。門前冠帶若流水。長安醫士亂於麻。箇箇烏紗似老鴉。誰似豐城李公子。談笑直揖五侯家。朝賣藥。晚致身。大婦喜。小婦嘆。席未溫。呼先生。

哭臨漳令王子馨附

窮冬夜冷蘭烟黑。死字傳來聽不得。白日誰防鬼射人。昏荒頓怪天如墨。憶昨與君發長安。白齒青眉吐肺肝。小杯舉碗大杯舞。優兒牙板角盤盤。別來愁絕湘鱗字。蠟花箋子無高翅。銅雀臺邊萬縷腸。館娃宮裏千行淚。

離離曠地青燐叫。不得生書得死報。帝前金管豈無人。何必如花一年少。天公鑒往不同頭。銀匣沉埋地下愁。渾水萬年嘶石馬。虎號龍愁雨廢邱。

其二

垂頭再哭哭聲啞。長夜幽幽悲逝者。破玉鍾珠可惜人。天何言哉無知也。三哭眼酸淚枯欲流不得流。焚香告天願天爲我開囈喉。顏淵魯高士。胡爲三十二而死。休。靈均楚直臣。云何枯槁江潭望君門而媒塞修。秦何爲而投關。賈何爲而賦樓。馮何爲而病馬。顧何爲而疾牛。龍何遇而觸網。鰲何細而隨釣。山何卓而成水。海何升而爲邱。聖者不能言。愚者不能憂。釋迦與老子。睽睽雙白頭。卽如王子聲。高第十二秋。窮年只淹蹇。低眉拜督郵。讒言復聞之。刺心如戈矛。纏棺布三尺。棲身土一抔。嗟乎子聲。少生不能一日牙。脾黑髮拱手長安道。又不能拂衣故園補綴先人草。萬里迢遙魂伴魂。一具瘦骨官送老。福君何其薄。奪君何其早。和氏空有位。楚國無以寶。天不平。地不平。吁嗟乎王子聲。

湘湖蓴菜餚

托根西湖。沉質湘水。鍊玉爲脂。熬冰出髓。松及蘇人。皆云無此。感春而生。方夏而止。何故季臘。待秋風起。

五言古

出燕別大哥三哥

長安二月時。陽發北風厲。霜刀割地皮。古木領寒氣。紛紛驪馬塵。曉起如雲碎。置酒上南岡。別我好兄弟。一母生三人。頂踵皆相類。發願窮無生。百劫相砥礪。言前識錄機。死裏尋關捩。居身如登銅。蓄口唯談義。兄性溫而真。弟性坦而毅。余性兼寬猛。致章時相憐。墮地便同根。飛天亦共翅。一旦忽分首。能不添憔悴。白馬望吳門。慘淒無邊際。畏路如畏虎。猜官如猜謎。長兄見老成。勸余勉爲吏。錢穀慎出入。上下忌同異。小弟發狂譁。兄言胡乃贅。胸臆自可行。樂枯安足計。縱使挂彈章。亦只數行字。八十日彭澤。獨非男兒事。言罷日西沉。強起各分袂。馬尾對馬尾。東西倏異位。欲哭近婦人。一笑飛寒淚。

漸漸詩戲題壁上

明月漸漸高。青山漸漸卑。花枝漸漸紅。春色漸漸虧。肉食漸漸多。牙齒漸漸稀。姬妾漸漸廣。顏色漸漸衰。賤當壯盛日。數非少年時。功績黑暗女。一步不相離。天地猶缺陷。人世總參差。何方尋至樂。稽首問仙師。

戲題齋壁

一作刀筆吏。隨身埋故紙。鞭笞慘容顏。簿領枯心髓。奔走疲馬牛。跪拜急奴婢。覆衣炙日中。赤面霜風裏。心若捕鼠貓。身似近羶蟻。舉眼盡無權。垂頭私自鄙。南山一頃豆。可以沒餘齒。千鍾飽與糟。百城經若史。結廬龜簞峯。繫艇車臺水。至理本無非。從心卽爲是。豈不愛熱官。思之爛熟爾。

贈汪咸池乃郎

不是干時客。零丁向吳越。家貧訪故人。吞聲學干渴。先鬼能文章。清新好氣骨。遺篇輸入梓。桂枝已摧折。不忍念姓名。逢君慙哽咽。哀哉勿復言。長風捲愁雪。

別龔散木

梅雨纏紅干。紅風細吐寒。紅亭一杯酒。慘然寶主歡。天風吹子墮。倏忽送子還。遊蹤如電影。閃爍太無端。子曰爲官苦。予嗟行路難。各自相慰勞。官言飽肺肝。與子如林鳥。升沉各求韓。別子如瀝水。東西異波瀾。何如一合併。白首良春闌。萍散有時聚。雲老終還山。紅頭風日雨。容易彫朱顏。

陶石簣兄弟遠來見訪詩以別之

五步一花開。十步一花飛。不知誰中子。鬱鬱吐清姿。恬淡僧標格。纖纖士威儀。手提白玉塵。身披淺色衣。徒步入闔門。揮羽上階墀。僮僕盡懸俸。一一哲而肥。或言是山人。或言星相師。或云鄉里子。聞聲始覺非。虱刺無姓名。短紙摺不齊。一揖徑登牀。草草寒窗暗。執手不問病。捧腹但言饑。設黍呼兒子。烹魚命小妻。廣長舌有象。突兀語難編。欲窮人外理。先剖世間疑。五行何因起。天地何高卑。鷄烏何白黑。日月何盈虧。生胡然而至。死胡然而歸。天胡然而喜。鬼胡然而悲。事無微不究。語無弊不奇。獨不及臧否。一切細碎詞。玄旨窮三日。隋宮楊四肢。

殘君深入夢。恐我傷傷。未作經年別。先爲五日辭。入宮尋西子。涉水弔鸞夷。七十二螺髻。三萬六玻璃。山水既奇。敵相得永。因依有如重瞳郎。配合星英妃。又如曹阿瞞。生逢大耳兒。石公貌高古。林屋洞傾欹。玉鑾消暑。水簾千人機。浪頭懸閬苑。屋底腥蛟螭。山鬼攀蘿出。鮫人傍檻睇。卑者如龍羆。立者如象犀。幽者穿海底。高者躡雲梯。綠橘黃柑樹。青牛白馬利。十人進新果。約共貢山雞。勝事紛難記。名山到始知。三朝盡縹緲。一雨負其聲。婦來爲我言。山水見雙眉。長公八九紀。叔子二十時。字字傳寶跡。語語發光輝。不獨作者難。讀者亦應稀。譚罷理前問。愁來申後期。還將赤金子。試我白綈綈。拈花憐佛笑。摘葉止兒啼。驟殺紫胡犬。騰倒西河獅。羆石原無竹。梧桃空有枝。一番銅鐵語。萬仞箭鋒機。病得發而減。客以樂忘疲。流連十許日。情短六箇時。丈夫一滴淚。錯落費珠璣。今日若爲別。相顧徒健頰。去去復去去。吳江落日低。

戲題黃道元瓶花齋

朝看一瓶花。暮看一瓶花。花枝雖淺淡。幸可托貧家。一枝兩枝正。三枝四枝斜。宜直不宜曲。關情不關奢。傍佛場。枝水入碗。酪奴茶。以此顏君齋。一信添新華。

初度戲題

碌碌復碌碌。浮生如轉轂。帝宏匝地羅。人窘彌天獄。鹽地三十載。鹽牛是響鑿。算喜無十星。量愁有千斛。十五歲以前。師傳苦拘束。朝愁日上春。暮愁書難讀。十五歲以後。龜手寧場屋。傷巾才去頭。宦網又纏足。千哂得一官。萬哂得微祿。誰知微五斗。妻子轉枵腹。顏色低上官。肝腸枯案牘。舉止動得過。憎惡若相觸。月不十回圓。酒無三朝熟。來者不可知。去者不可躡。欲留色枯槁。欲歸心彳亍。一病寧昨非。萬恨從黃鶴。勿以徑寸榮。易茲尋丈辱。

答江進之別詩

橫將一尺素。寫出消魂別。淚聲筆波紅。情苦胡文裂。事君才兩載。相期彌高節。有過必直陳。無憂不共切。密意具蘭旗。奇談飛金屑。案牘與文史。一一相商決。對客語如錦。當機鋒似劍。喜怒性情真。緩急肝腸熱。所以小修

言。紅郎吳令傑。官雖暫時羈。交豈中道輟。古井絕迴波。深山無化雪。

別紅郎

紅郎貌奇崛。文字多古質。十三讀父書。十五夢先筆。父母憐愛之。保護常在膝。何不從我遊。扁舟訪二室。

雪夜感懷同黃道元作

孤館寂無人。童僕三兩輩。白鬢歷山來。雪冷天慙悽。燈寒字欲青。爐死灰相對。燎火掣空飛。錯落如星碎。可惜行樂場。都被微官礙。歌喉絡飛蛛。誰家佳姊妹。

別黃道元信筆題扇上

千里負空囊。蹇足投吳令。客子既數奇。主人復善病。薄俗異臨邛。好事乏程鄭。逆展垂牛載。無人知名姓。乞飯隨白足。備經版大聖。未免無魚歌。能不嗣龍性。貧者士之常。達豈文章命。舌在卽王侯。文成足歌詠。去矣莫徘徊。無官誰相敬。

豔歌

鵲尾唾蘭烟。灰冷烟不滅。東風多少愁。吹落謝豹血。郎寄鰓魚子。妾寄西施舌。花開不待人。青春忍相別。仲春十八日宿上天竺。

三步一號呼。十步一禮拜。萬人齊仰瞻。菩薩今何在。欲尋真大士。當入衆生界。試觀海潮音。不離浙紅外。

其二

若以色見我。是人行邪道。饒他紫金身。只是泥與草。朝來自照面。三十二種好。終日忙波波。忘卻自家寶。山陰道。

霧中望山

錢塘豔若花。山陰芊如草。六朝以上人。不聞西閣好。平生王獻之。酷愛山陰道。彼此俱癡奇。輸他得名早。霧是靄山酒。霧重山如醉。登高氣不賡。萬象爭規避。日無光而毛。天不昏而睡。雲影疊飛沙。風花絕空根。

賀家池

昔聞八百里。今來八百畝。爲問袁阿宏。何如賀監否。黃冠吾願學。其如多八口。形體作僕奴。禮法成枷鉏。幸爾略知識。放蕩辭五斗。強作舒眉詩。寧飲寬腸酒。所以不脫然。爲身非我有。恩愛毒其胎。父母割其肘。未免愧古人。青山空矯首。

禹穴

望石立如人。鼻穿腰半折。不看碑頭字。那知是禹穴。欄楯半摧殘。古文盡磨滅。山高仰瘦容。松老添孫鬣。古屋閉狐妖。香臺蹲豹跡。

第一泄

踏人肩而行。次第乃得過。射眼風絲飛。置足山毛破。踰身縵草移。定蹠盤泥坐。五水勢高低。千峯身頓挫。路荒雨氣腥。樹老斑皮裹。度嶺羨猿輕。投崖愁虎餒。常恐快性命。歸來始相賀。

志別種山閣作

楚國一段雪。落地無根蒂。偶爾置體風。吹作塵霾氣。逍遙三鱗鱗。啣我入雲際。攜手上仙山。長嘯起天寐。作用笑三家。功德卑二帝。插身淨丑場。演作天魔戲。東西南北人。恩情若兄弟。若不是前因。焉得此奇異。再會是何時。別後有何計。知心如冰焰。前程若神謎。君看露上枝。無心也垂淚。

湘湖

而我辭湘湖。恰值湖水小。湘湖舊有名。敢道湖不好。詩波如花人。必須眉黛姣。一旦供供旒。山窻不枯老。白鯉曝鰓鱗。漁刀被深草。水少已不堪。何況酒更少。

姚叔父

昔我吏吳門。冠帶填門闕。白髮老山人。聞名面不識。一朝棄官去。空山翻見跡。何不噓熱官。而煨寒灰客。

送王靜虛訪李卓師

天地愁結成。聖賢愁省處。舉眼皆鍼鋒。何處可容足。儒生有毛病。道理充窮腹。百慮堆作城。萬想鍛成鐵。突有大妄人。手持無羽鐵。欲解大地羅。先肆彌天毒。扇海作洪爐。煉山煮精玉。何不觸其噴。懸崖求所欲。

餘杭雨

不恨今日雨。卻恨前日晴。無端放隙光。誘我餘杭行。餘行有何趣。敗寺老和尚。若使在西湖。亦得閒眺望。出門無去處。袖手東西顧。桑下見蠶娘。泥婢沾衣袴。只是去臨安。已覺步步難。何況徑山路。千盤與萬盤。

其二

一心閒處忙。四體山行瘦。荒吹破葛絨。孤枕逼簷霽。山靈無好情。梅天多異候。主僧嘆客留。僕子呼天籟。雲不十丈高。泥凡尺餘厚。縱有健馬驢。揮鞭豈能驟。

於潛道中偶成

出門二三月。客行常踰賈。問我亦不知。奔波爲何物。越鳥也嘲人。解問參歸弗。參豈不思歸。山徑成瘡疾。百里一名山。一山須十日。東南半壁地。十分未了一。雲霞朝到屋。魑鬼夜入室。遇伴覓定方。逢仙談飛術。形體節節勞。心神殷殷逸。名勝尚可窮。遊子興難畢。(歸讀作居。遊人呼子規爲參歸弗。)

天目道中和陶石簣韻

萬嶺色嬌榮。千松韻蒼老。漆錦新織成。雲文初脫稿。古屋繫龍兒。幽陸聚仙媼。峻冶天微隱。昏沉霧向飽。山靈如有情。遊子暫舒懷。梯石路漸高。險嶺天乍小。微茫一帶青。遠遠出山杪。白雲封其半。恍若衣輕綽。山僧向我言。此是諸山考。四顧盡兒孫。疊疊爭圍繞。一乳作風飛。一支學龍矯。萬絡與千支。支支相縈繞。山形雖彈成。石貌實妍巧。初視尙冥迷。策騎漸分曉。何況陟其顛。邊途亦已好。

天目書所見

菩薩與凡庸。不知誰正倒。牛馬若率真。形貌亦自好。獨有知見人。不食本分草。拾他葉掃堆。祇作無價寶。面上曲折多。腹內安穩少。坐立皆成文。閑話亦打稿。演出活法聰。難曉後關老。